

暢於幽明優乎力役並利攸往咸欣子來使茲勝郊遂臻靈
域騰賴桂嶺鬱翠松巖召斲郢門僞材荆岫疏峻城繚長垣
紅壁列錢丹楹繡礎三間四表炳繪文槐八維九隅懸鏤鏤
檻虹梁亘樽風牖承楣洌井蕖鮮芳壇竹埽銀鋪月曉瑤簾
霜開至若聖理全幽真容罕測夫其祕狀遠降使司蓋考三
仙之圖不於九牧之鼎皦姿粉堊備質光妍符彩冥標倖靈
瑞表工徒罄想殊思感通齋室盟祠旣優如在霓旌霞旆時
颺羽儀列冠名山禮均行潦覃薰紫極供養黃冠玉金常煎
金鑪永爇牲牷革享鸞鳳於飛露挹神翁星臨婺女清吹洞
唱天渚匏瓜之津匹水仙宮海曲蓬萊之島龍驤鶴翥飄飄
淨戒之庭師子辟邪趯躍精思之地珠幡衛篋瓊蓋擁輿法
供天廚六時朝念真經雲帙萬劫精修弗翦茅茨明代久彰